


土岐文庫
文庫17
W71
4



20

15

10

文庫 17
W71
4

010185194227

昭和六十年二月一日
土岐善唐氏
贈

元詩別裁卷七

姚培謙述齋

雲間張景星二銘點閱

王永祺補堂

五言排律

寄舒真人

馬祖常

金闕來華蓋琳壇集羽衣
石因鍾乳臆松
爲茯苓肥劑墨香翻杵
修琴玉布徽天低



元詩

卷七

五排

臨象緯日近逼光輝竹裏開長逕池邊蔽
小扉紅迷霞綺錯綠漲水環圍仙杏葩疑
赤蟠桃萼翦緋龍來還獨宿鶴去更知歸
割蜜蜂先避銜書鳳自飛祠雷陳古藟符
鬼掣靈旒丹井泉偏舛銅盤露未晞俗人
那得識詩客盡相依伊我逢休澣從茲詠
浴沂憑師消鄙吝猶可採山薇

送華山隱之宗陽宮

江閣魚龍近山房霧雨多地清天不暑池
曲水無波筍籜迎書帶櫻桃送錦窠呦呦
呼伴鹿嗚嗚換經鴟養素行編屨乘間坐
織蓑幾篇餐玉法一帙醮星科香爇沉銀
葉衣裾佩紫荷丹光留海月絳景出松蘿
醉憶泉浮乳幽憐石爛柯神君攀繹桂天
女踏青莎邀客登山頂尋真人澗阿洞簫
吹道曲雲紙寫魚歌予髮今如此君心可

奈何高談見明月。為我問沙羅。

春晚喜晴

楊載

積雨俄經月。新晴始見春。蒼苔侵別墅。綠水過比鄰。性僻居宜遠。身閑景易親。無詩排世累。有酒縱天真。循圃花粘履。憑闌柳拂巾。歌呼從釋子。談笑或嘉賓。新喜漁樵狎。仍欣鳥雀馴。幽情延薄莫。清思集清晨。養拙元非病。為文敢自珍。杜門緣底事。作

計懶隨人

答無住和太初韻見寄

宋元

寶地人來少。禳陰自晚晴。片雲依石潤。孤磬出花清。竹篔分泉細。檀烟上壘輕。勒銘留水寺。應供宿江城。適楚濤喧定。歸吳雪滯行。雨苔粘屐。節葉覆閒琴。為蛇紋買書。因鳥跡評眼。高無佛祖詩。癖有山兒

句妙唐風在心空漢月明晝禪休樹影夜
梵雜松聲夏滅遊方興秋添住岳情何時
修白業去結嬾殘盟

陪趙公子遊蔣山即席次李五峰韻

陳旅

弭權丹陽郭鳴鞭白下山晴原煙翳翳幽
樹鳥關關石液瓊瓌碧雲根瑪瑙殷佛巖
開細菊僧徑入叢管雨洗川容淨潮隨野

色還六朝有遺事盡在夕陽間

八月六日丁亥釋奠孔子廟三十韻

周伯琦

闕里宣尼宅儒林禮樂區右文昭代盛報
德聖恩殊天語頒中禁屋軺發上都內廷
香繞紫光祿酒浮壺待節漸專對平原慎
載驅秋陽稀穉穉晝路足槐榆歷歷由沂
洙行行望泗涑岱宗標近甸魯殿沒荒蕪

不見三家采唯餘五父衢
祀嚴柔日逼林近絕晨
趨廢堞依修阜危臺記
舞雲廟宮參象緯書閣
壓城閣反宇周阿峻迴
廊百步紆蛟鱗蟠玉柱
螭首響金鋪庭迴檜天
尺壇虛杏數株省牲新
雨露釋奠舊章敷闕戶
陳籩俎登歌應瑟等尊
居系聖儼侑食列賢俱
興俯鏘珩佩周旋謹履
約裸將宸意達祝告下
誠孚明燎輝雲階祥熏
集

寶爐共觀周典禮寧數
漢規摹似續於今盛欽
崇自古無繚垣隆象魏
穹石峙龜趺孤閣青編
貯雙亭翠竹扶山川光
拱揖泉井澤沾濡推大
尊師道題名述廟謨佇
看芟束阜豈復歎乘桴
制作先夷魯朝廷用大
儒愚生深有幸歸上孔
林園。

題馬洲書院

并序

王逢

馬洲書院者孔聖七十二代孫元慶昆

季新建也其五世祖若奚高抗不君羣長
于春秋當宋南渡自闕里將之鬱留滯
泰輿見河流達南江詢之老人曰此龍
開河也西北通淮泗因歎曰吾洙泗龍
泉之支流其在茲乎遂築室河上與其
子端志各授弟子業從遊日衆乃有菑
田百畝人助以力官復其稅戒子孫治
生勿求官讀書勿求業邑大夫嘉之易

名龍開河曰教教示崇化也年六十卒
葬河之陽端志克守父道薦辟不就淳
祐元年冬邑燬於北兵元虞辟地曰死州
咸淳間書院落成教授復如初然皆無
後今崇聖寺旁惟破屋蔓草遺像瓦爐
而已逢懼變遷殆盡故敘其概於壁間
庶後之起廢者得以考焉詩曰
蝌蚪素皆廢靈光魯獨存
豆道漂海國丹

蕪暗淮邨。蒼鮮花侵。礎蒲蘆葉擁門。青春
 深霧濛。日日老乾坤。德化三王。並威儀百
 代。尊郊麟初隱。遁野兕遂崩。奔先輩俱冥
 漠。諸生罷講論。斷編塵樹冷。遺像網蟲昏。
 盡褒衣冠俗。終歸禮義源。江南遊學士。瞻
 拜敢忘言。

翰苑薦為應奉文字二十韵謝大司

徒并呈諸學士

陳孚

天上金衣客。人間第一流。鰲為唐內相。禹
 拜漢元侯。鯤海三千水。龜峰十二樓。月寒
 紅燭夜。風淡紫薇秋。鳳詔窺姚姒。麟編振
 魯鄒。佩隨宮漏遠。衣染御煙浮。淑氣騰金
 碧。祥光射斗牛。焜煌青瑣闥。縹緲紫霞洲。
 瑪瑙濡堯甕。珊瑚耀漢鉤。馳蹄中禁蓋。豹
 尾上方驕。僕本師黃卷。生惟伴白鷗。親庭
 雙鶴髮。家事一漁舟。偶預天官選。來為帝

星遊綠章蒙獨薦青史許同修故郡驚王
勃新豐異馬周隊隨魚圍圍角喜鹿吻
勢似飛三鳳功如輓萬牛桑榆終有望封
菲未爲愁國士恩難報書生志易酬誓堅
冰雪操正色贊皇猷

奉送達兼善御史赴河南憲僉十二

韻

傅若金

聖治尊儒術賢才翼帝躬立朝防觸身行
路避乘輿復道河南去先秋冀北空激揚
元自任出處豈謀同地絕看持節天長惜
轉蓬繡衣今日把尺素幾時通別酒花開
裏征帆木落中薊門懸夜月梁苑度秋風
古縣藤蘿碧霜林果蕊紅咨詢行每徧關
暇賦能工白日明高岳黃河繞故宮登臨
興何限題寄北飛鴻

登岳陽樓

馳傳自青天。憑高憶往年。關于映水迴。埤
 堦與雲連。江合沅湘大。山侵楚蜀偏。壘郎
 通列井。龍女宅重淵。日月鴻濛裏。風沙浩
 蕩前。驪珠秋後冷。犀火夜深燃。張樂猶疑
 奏。乘槎欲並仙。登臨停去騎。寵餞惜離筵。
 地氣南交接。天文北極懸。賦慚王粲作。詩
 擬杜陵傳。渺渺衡陽鴈。迢迢浪泊鳶。早春
 回漢節。應得汎湖船。

上執政四十韻

雅 琥

聖主飛龍出。求賢似拾珍。典謨皆故老。登
 用必元臣。日月當黃道。風雲擁紫宸。華封
 歸帝女。壽域固吾民。旭旭時將旦。熙熙物
 自春。唐虞風未遠。邠魯俗還淳。往者三靈
 降。扶持賴有人。斬鯨清海沸。鍊石補天連。
 工鯨趨刑辟。臯夔起隱淪。明公辭政久。首
 詔趣裝頻。渴慰蒼生望。飢憐赤子貧。朝陽

先覩鳳春歷正書麟。總代天成化。俱爲政
入神。五朝居輔弼。三世掌經綸。皇眷恩波
濶。平功德澤均。房謀兼杜繼。蕭律繼曹遵。
曆法義經秘。書文韻篆新。山河由秉筆。社
稷在垂紳。衆水宗南渤。諸星拱北辰。濟爲
舟楫重。任託股肱親。玉燭調元氣。金樞運
大鈞。都俞聞密贊。諫論喜重陳。陳聲教流沙。
外。謳歌碣石濱。烏臺分繡斧。鳳詔繼華茵。

練達時無匹。公忠世絕倫。棟梁支大厦。柱
石表重闈。天下皆桃李。人間靜棘榛。中台
方止席。東閣又延賓。有客懷吾道。無媒致
此身。窮經甘寂寞。抱拙忍酸辛。虎榜叨前
列。鶴墀接後塵。卽潛嗟咄咄。夷隱歎逡逡。
十口長爲旅。三年屢卜鄰。稻梁猶不足。抱
負豈能伸。養母留甘旨。居官守誨諄。正言
期董賈。杜道恥儀秦。豈芥難終棄。芻蕘尚

可詢修塗多駸。是涸轍有潛鱗。未遂風雲
信。猶霑雨露仁。天瓢能一滴。只是通漚。

次宋編修題夫南陌詩四十韻

李裕

麗質過邯鄲。春風直幾錢。送情憐眼艷。凝
泣覺身偏。霞淡斜侵鴈。雲輕巧襯蟬。芳金
搖翠勒。暖玉藉絨鶉。臉媚風初信。眉彎月
未弦。綠深芳草雨。紅綻碧桃天。却扇羞花

落。寒裳妬酒翻。關心時淺笑。隨別自微言。
條脫濃香暖。中纓膩粉斑。幽期祇寄約。私
語每防閑。田木須連理。吳梅易引筵。襦長
腰。並柳襪。小步移蓮。枕障熏沉水。屏圍畫
遠山。體輕嫌燕膝。指嫩瑩瓊環。恨蕩元非
醉。朦朧不爲眠。繡盤花倚。儼錦就字。回聯
鎖合沉魚。夕筇閑少。鴈寒美人何杳杳。良
夜獨漫漫。乍見都疑夢。相逢信契仙。憐才

多婉婉倚態轉翩妍。璧月紅牕外。銀河碧
樹邊。幔輕雲影動。簾靜浪紋懸。裙薄綃長
皺。袖重錦未薦。妝臺宜向日。舞袖欲隨烟。
鷓鴣西。遙聞韻。猩唇厭。撥餐深衣。留唾碧。繫
帛表心丹。只憶愁腸斷。寧知別緒牽。寶釵
分鳳翼。鈿合寄龍團。紅豆膏凝篋。文鴉繡
作繁。淒迷千日酒。惆悵五雲軒。楚女窺牆
日。文園病渴年。合歡連組帶。解佩雜芳荃。

纓斷風前燭。香偷別後筵。顏黃紅粉淡。淚
顆紺珠鮮。苔迹和塵印。花陰帶露窠。時時
傷往事。故故寄新篇。人去愁予。意且傷。恨
萬端。蝶晴隨絮遠。鷺曉怨春殘。夢好心多
感。情深意已傳。藤蘿空滿地。欲贈思依然。

元詩別裁卷八

姚培謙述齋

雲間張景星二銘點閱

王永祺補堂

五言絕

山居雜詩

元好問

瘦竹籜斜挂叢花草亂生林高風有態苔
滑水無聲

元詩
卷八
樹合秋聲滿。却荒莫景閒。虹收仍白雨。雲動忽青山。

川迴楓林散。山深竹港幽。疎烟沉去鳥。落日送歸牛。

鷺影兼秋靜。蟬聲帶晚涼。陂長留積水。川澗盡斜陽。

溪邊釣船

牟巖

莫出前溪去。隨宜下釣鉤。風波苦不惡。鱸

鰓滿船頭。

和歐陽南陽月夜思 揭傒斯

月出照中園。鄰家猶未眠。不嫌風露冷。看
到樹陰圓。

過高郵射陽湖

薩都刺

飄蕭樹梢風。漸漲湖上雨。不見打魚人。菰
蒲鴈相語。

秋風吹白波。秋雨鳴敗荷。平湖三十里。過

元詩

五絕

客感秋多。

泊舟

翼 嘯

小舟尋夜泊。明月散風瀾。故人相別處。雙鷺立前灘。

種筆亭題畫

高克恭

積雨暗林屋。晚峰晴露巔。扁舟入蘋渚。浮動一谿烟。

陽春曲

郭翼

柳色青堪把。櫻花雪未乾。宮中裁白苧。猶怯剪刀寒。

七言絕

杏花雜詩

元好問

杏花牆外一枝橫。半面宮妝出曉晴。看盡春風不回首。寶兒元自太憨生。
嫋嫋纖條映酒船。綠嬌紅小不勝憐。長年自笑情緣在。猶要春風慰眼前。

元詩

卷八

五絕

三

楊柳

楊柳青青溝水流。鶯兒調舌弄嬌柔。桃花
記得題詩客。斜倚春風笑不休。

榆杜硤口邨早發

瘦馬長途嬾著鞭。客懷牢落五更天。幾時
不屬鷄聲管。睡徹東窗日影偏。

同兒輩賦未 棠二首

翠葉輕籠豆顆勻。胭脂濃抹蠟痕新。殷勤

留著花梢露滴下。生紅可惜春。

枝間新綠一重重。小蕾深處數點紅。愛惜
芳心莫輕吐。且教桃李鬧春風。

過雲臺

李俊民

夜半風吹雲色開。曉來殘月過雲臺。連山
斷處瞰平野。一綫黃流掌上來。

雨後

春空靄靄莫雲低。飛過前山雨一犁。明日

却尋歸去路。馬蹏猶踏落花泥。

下山

劉因

翠霞騰暈紫成堆。收盡雲烟酒一杯。相見
浮嵐在眉宇。人人知道看山回。

春晚雜興

方回

芳草茸茸沒屢深。清和天氣潤園林。霏微
小雨初晴處。暗數青梅立樹陰。

江邨

黃庚

極目江天一望餘。寒烟漠漠日西斜。十分
春色無人管。半屬蘆花半蓼花。

過濟源登裴公亭用閒閒老人韻

耶律楚材

山接青霄水浸空。山光澹澹水溶溶。風廻
一鏡揉藍淺。雨過千峰潑黛濃。

溪上

劉秉忠

蘆花遠映釣舟行。漁笛時聞三兩聲。一陣。

西風吹雨散夕陽還在水邊明

城西遊

昨朝信馬鳳城西。鞭約垂楊過小隄。春色滿園花勝錦。黃鸝只揀好枝啼。

宿卓水

許衡

寒紅挑盡火重生。你有清声月自明。一夜客愁眠不稳。却聽山犬吠柴荆。

春閨

元准

杏花天。落燕泥香。閒立東風看夕陽。倒把鳳翹搔鬢影。一雙蝴蝶過東牆。

絕句

趙孟頫

春寒惻惻掩重門。金鴨香殘火尚溫。燕子不來花又落。一庭風雨自黃昏。

東城

野店桃花紅粉姿。陌頭楊柳綠烟絲。不因送客東城去。過却春光總不知。

莫春

趙雍

綠陰庭院碧窗紗。半卷珠簾映晚霞。芳草
萋萋春寂寂。東風吹落客殘花。

初秋夜坐

月明如水浸衣濕。臺榭沉沉秋夜長。坐久
高僧禪語罷。澹然相對玉簪香。

晚訪仲章不遇

袁桷

小院春濃落照閒。碧篁相對乳禽還。晚風

陣歇遊絲盡。留得歸雲在屋山。

琳宮詞次安南王韻 許有壬

涼入簾幃夜色輕。瑤臺添月更虛明。一壺
天地渾無迹。只有清風動竹聲。

宿浚儀公湖亭

楊載

雨雨三三白鳥飛。背人斜去落漁磯。雨餘
不遣濃雲散。猶向前山擁翠微。

遊南臺閭粵王廟

范梈

海角釣龍人杳杳。雲間待鴈路迢迢。若爲
借得山頭石。每到高秋坐看潮。

上元日

蓬萊宮闕峙青天。後內看燈記往年。誰念
東籬山下路。再逢春日向人圓。

京城雜詠

歐陽系

奉詔修書白玉堂。朝朝騎馬傍官牆。牖河
東畔垂楊柳。時有鶯聲似故鄉。

贈彈箏者

薩都刺

銀甲彈冰五十絃。海門風急鴈行偏。故人
情怨知多少。揚子江頭月滿船。

秋夜聞笛

何人吹笛秋風外。北固山前月色寒。亦有
江南未歸客。徘徊終夜倚闌干。

道過贛善庵

夕陽欲下少行人。綠徧苔茵路不分。修竹

萬竿松影亂山風吹作滿意雲。

山中

宋 无

半嶺松聲樵客分。一溪春草鹿成羣。採芝
人入翠微去。丹竈石壇空白雲。

春歸

釀蜜筒香蜂報衙。杏梁泥軟燕成家。浮萍
斷送春歸去。盡向東流載落花。

漁翁

周 權

轉櫂收緡日未西。短篷斜閣斷沙低。賣魚
買酒歸來晚。風颭蘆花雪滿溪。

晚渡

離離野樹綠生烟。灼灼山花爛欲然。酌酒
人歸春渡寂。柳根閑繫夕陽船。

沙湖晚歸

朱德潤

山。楚。低。迴。落。鴈。斜。吹。烟。茅。屋。起。平。沙。櫓。聲
歸。去。浪。痕。淺。搖。動。一。灘。紅。蓼。花。

幽居

洪希文

披老安閑世味疎
深深水竹葺幽居
牀頭昨夜風吹落
多是經年未報書

題敗荷

王翰

曾向西湖載酒歸
香風十里弄晴暉
芳菲今日凋零盡
却送秋聲到客衣

寄金山普禪

鄭元祐

金鼓龜背鬱藍天
長有神龍衛法筵
午夜

江聲推月上浪花如雪寺門前

六月五日偶成

倪瓚

坐看青苔欲上衣
一池春水靄餘暉
荒村盡日無車馬
時有殘雲伴鶴歸

泊垂虹橋口占

顧瑛

三江之水太湖東
激浪輕舟疾若風
白鳥羣飛烟樹末
青山都在雪花中

發閶門

閣門西去是陽關。登登秋風登登山。便是
早春相別處。如今楊柳不堪攀。今春送于
外史任越

博浪沙

陳孚

一擊車中膽氣豪。祖龍社稷已驚搖。如何
十二金人外。猶有人間鐵未銷。

過信州

高克恭

二千里地佳山水。無數海棠官道傍。風送

落紅。攔馬過春風。更比路人忙。

宿焦山上方

郭天錫

揚子江頭風浪平。焦山寺裏晚鐘鳴。爐烟
已斷燈花落。喚起山僧看月明。

回鴈峰

傅若金

江上青峰宿雨開。江頭歸使日南來。登高
欲訪平安字。二月衡陽鴈已回。

李宮人琵琶引

王士熙

元詩

卷八

七絕

七

六詩
卷八
瓊花春島百花香。太液池邊夜色涼。一曲
六么天上譜。君主曾進紫霞觴。
龍柱雕犀錦面妝。春風一抹綵絲長。新聲
不用黃金撥。玉指蕭蕭弄晚涼。
齊輿五月幸龍岡。宣喚新聲促曉妝。撚斷
冰絃秋滿眼。寒天雲碧草茫茫。
越羅蜀錦舊衣裳。贏得旁人識賜香。莫對
琵琶思往事。声声彈出斷人腸。

畫竹

吳鎮

長憶前朝李劍邱。墨君天下擅風流。百年
遺蹟留人世。寫破湘潭夢裏秋。

題畫

黃公望

茂林石磴小亭邊。遙望雲山隔澹烟。却憶
舊遊何處是。翠蛟亭下有流泉。

海子上有期

黃清老

金隄晴日共鳴鏢。傾蓋松陰待早朝。數盡

元詩

卷八

七絕

十三

荷花數荷葉。碧雲移過水東橋。

梅花

王冕

三月東風吹雪消。湖南山色翠如澆。一聲
羌笛無人見。無數梅花落野橋。

次韻陸友仁吳中覽古

郊韶

赤闌橋下記停橈。細雨菰蒲響莫潮。說與
行人莫回首。故宮烟柳正蕭蕭。

暮春二首

貢性之

吳娃二八正嬌容。鬪草尋花趁暖風。日暮
歸來春困重。鞦韆間在月明中。

惜花公子愛春晴。駿馬驕嘶曉出城。半醉
歸來人共看。笑將金彈打流鶯。

題菜

西風吹動錦爛斑。曉起窺園露未乾。三日
宿醒醒不得。正思風味到二盤。

元詩

卷八

七絕

三

湧金門見柳

湧金門外柳垂金。三日不來成綠陰。折取一枝入城去。使人知道已春深。

寄友

朱希晦

雨過溪頭鳥篆沙。溪山深處野人家。門前桃李都飛盡。又見春光到棟花。

秋夜

曹之謙

寂寂江城夜向闌。西風吹鴈叫雲端。一聲

遠過南樓去。月滿碧天秋水寒。

和郭安道治書韻

周馳

西風吹起白頭波。半夜扁舟掠岸過。不向長橋沽一醉。滿天明月奈秋何。

詠鶴

廖鑑

青山修竹矮籬笆。髣髴林泉隱者家。酷愛綠窗風日美。鶴梳輕毳亂楊花。

退直贈月

柯九思

西華門外玉驄驕新賜羅衣退晚朝繡枕
魂清疎雨暮海棠銀燭度春宵

小橋

彭炳

落花如雪馬蹄香幾樹黃鸝欲斷腸行到
小橋春影碧一溝晴水浸垂楊

次友人春日見寄韵 汪澤民

清景行行一徑苔蘭樽特爲晚春開綠陰
青紫猶堪賞昨日游人自不來

寄紹興李左丞

陳秀民

後來江左英賢傳又是淮西保相家見說

錦袍酣戰罷不驚越女采荷花

按張耕錄云張氏據

有平江部將呂珍守越參軍陳應子饒介
之在左由一日陳賦此詩饒染翰題扇以
寄呂詞翰雙絕呂倩人誦罷大怒曰我為
主人血戰守封疆豈愛一女子不忍驚子
見則必殺之

暮春即事

高明

楊柳樓前白鼻騮金鞍被了喚名娃重簾

元詩別裁補遺

深處無風雨肯信春寒瘦杏花

經杜樊川水榭故基 周砥

落花風裏酒旗搖水榭無人春寂寥何許
長亭七十五野鶯烟樹綠迢迢

元詩別裁補遺

姚培謙述齋

雲間張景星二銘點閱

王永祺補堂

五言古

夷壽僧舍即事 趙孟頫

白雨映青松蕭颯灑朱閣稍覺暑氣銷微
時度疎箔客居秋寺古心跡俱寂寞夕蟲

詩 補遺 五古

鳴鐸
鳴階初孤螢。烟叢薄。展轉懷故鄉。時聞風

明月幾回滿

范曄

明月幾回滿。待君君未歸。中庭步芳草。蝴蝶
蝶上人衣。誰念同袍者。閒居與願違。

寄題馮掾東臯園亭 揭傒斯

時雨散繁綠。緒風滿平原。興言慕君子。退
食在邱園。出應當世務。入詠幽人言。池流
澹無聲。畦蔬蔚葱華。高林麗陽景。翠山若
浮煙。好鳥應候鳴。新音和且閑。時與文士
俱。消遙農圃春。理遠自知簡。情忘可避喧。
庶云保貞和。歲暮委周旋。

西峴峰

黃潛

層雲抱春城。急瀨洩嵌竇。修巖入窈窕。衆
綠鬱以及。名亭標水樂。折柱荒碑仆。幽尋
得細廬。亂石扶結構。青精午堪飯。碧澗寒

可激平生慕真賞。及此成遊適。冥探指頂
絕有路。忽通透。巖羅屐。象密翠。氣濕衣。袖
寄身。沈寥內。下視人寰。隨情詭。雜風竹。大
嘯落。巖狖東峰在。眉睫可望。不可就。同遊
却何時。瑤草春已秀。

夜興

秋氣入病骨。殘夢倏然驚。芭蕉葉間露。風
過管成聲。攬衣沈寥內。搔首天河橫。飢蟲

語不休。中有誰汝令。孤鴻亦何苦。犯霜度
微明。悠悠念羣動。百感忽我并。大化倘不
爾。吾亦免營營。

李老谷

緣崖一徑微。人谷雙崕窄。密林日易昏。况
乃雲雨積。行人望烟火。客舍依山色。家僮
為張燈。野老煩避席。未覺風俗殊。祇驚關
河隔。嚴程不可緩。子規勿勸客。

赤城

鷄鳴秣吾馬。晚飯山中行。何以慰旅懷。赤城有嘉名。灘長石齒齒。樹細風泠泠。時見巖壁間。粲若丹砂明。溫泉發其陽。撫訶勤百靈。前峰指金閣。真境標殊庭。白道人跡稀。青崖雲氣生。信美無少留。緬焉起深情。

擔子窪

自後始出關。數日走崖谷。迢迢度偏嶺。險

盡得平陸。陂陀皆土山。高下紛起伏。連天暗豐草。不復見林木。行人烟際未。牛羊雨中牧。颯然衣裳單。咫尺異寒燠。佇立方有懷。相逢仍問俗。畏途宜疾驅。更傍灤河宿。

題清華亭

名區滙修渚。流望依平陸。飛雨天際來。遠峯淨如沐。生香餘晚花。繁陰藹嘉木。秀色坐可攬。終然不盈掬。觸景幽興多。接物道

機熟誰能與之游。食苦飲山深。

曉行湖上

曉行重湖上。旭日青林半。霧露寒未除。鳧
鷖靜初散。負緣際餘景。閃倏多遺玩。會心
乍有得。撫已還成歎。夙予丹霞約。久茲芳
洲畔。獨往願易違。離居歲方換。沙暄芷芽
動。春遠川華亂。存期乃寂寞。取適豈爛漫。
小隱倘見招。漁樵共昏旦。

表伯長侍講伯生伯庸二待制同赴

北都却還夜宿聯句歸以示予次韵

效體發三賢一笑

柳貫

杜詩詫蜀險。高有石櫃閣。安知若庸口。可
掠太白脚。馬行已崇顛。鳥度尚層壑。林蹊
曠。迷轍崖并荒。留幕俯疑日。沈直闕若風。
鼓。橐元雲倏揚。嶼朱霞粲塗。鞞數驛程匪
賒。襲裘寒更薄。客魂逢酒消。鬼膽因詩恃。

蟠木將爲容。胡繩未宜索。嚴名戒晨趨。澄
旻際秋廓。紫鬱晶煥爛。瀚海氣冥漠。腰無
兩鞬。屬道有五丁。鑿弭轡。誰所援。還衡猶
屢錯。小息樹吟旌。爭先厲詞錫。非開石首
筵。似聽鄗城柝。巨敵無前勅。偏師當後却。

秋夜和韓與王

貢師泰

齋居在城西。庭戶頗幽敞。涼風起高樹。落
葉時時響。境靜人少來。理悟心自賞。方忻

結同盟。慎勿成獨往。

李老谷

廼賢

高秋遠行邁。入谷雲氣暝。稍稍微雨來。漸
怯衣裳冷。紫紆青嶼窄。杳靄烟竹迫。峰迴
稍開豁。夕陽散微影。霜葉落秋澗。寒花媚
秋嶺。窮途見土屋。人烟雜墟井。平生愛山
癖。愴此愜幽靜。月落聞子規。懷歸心耿耿。

溪之濱

周權

小雨淨川綠。翫心鷗鳥羣。拂蘚憇幽磴。松
花點衣巾。禪局杳何處。疎磬時遠聞。青烟
溼山道。牛羊下斜曛。

秋興亭

余弱

涉江登危榭。引望二川流。雙城共臨水。兩
岸起飛樓。漠渚深初綠。江臯迫易秋。金風
揚素浪。丹霞麗綵舟。登高及佳日。能賦命
良儔。御者奉自酒。庖人供膳羞。一為山水

媚。能令車馬留。為語同懷者。有暇即來遊。

安慶郡庠後亭講董僉事

鯨鯢起襄漢。郡邑盡燒殘。茲城獨完好。使
者一顏開。肯風降文囿。弭節遵曲干。雙池
夾行徑。累榭在雲間。天淨羣峰出。地迥蒼
江環。霞生射蛟臺。鴈沒逢龍山。開樽華堂
上。命酌頻危闌。主人送瑤爵。但云嘉會難。
豈為杯酒歡。樂此罷民安。魄淵無恒彩。清

川有急瀾。明晨起驂。服相望阻。重關。

送友還鄉

鄭祐

墮地作兒女。有用及須早。當年懸弧意。焉
得鄉曲老。青雲一蹉跎。鬢髮日已皓。常恐
歸去遲。心焉怒如虜。我家東吳城。翠竹森
蒼葭。力耕輸王稅。妻子亦溫飽。詩成每獨
吟。觴至或共倒。富貴將焉如。歲晏聊自保。
蕭蕭風前柳。買買霜下草。有官固當歸。無

官歸亦好

遊虎邱

郭麟孫

海峰何從來。平地湧高嶺。去城不七里。幻
此幽絕境。芳遊坐遲暮。無物惜餘景。樹暗
雲巖深。花落春寺靜。野草時有香。風絮沙
無影。山行紛遊人。金翠競馳騁。朝來有爽
氣。此意獨誰領。我來極登覽。妙靈應自省。
遙看青數尖。俯視綠萬頃。逃禪問點石。試

茗汲憨井意行忌步滑。野坐怯夜冷。聊爲
無事飲。頗覺清晝永。藉草方醉眠。松風忽
吹醒。

行農洛西題王居仁山堂春曉

虛摯

幽人持所見。曠然捐世故。豈得軒冕榮。正
有林壑趣。興居惟自適。早晏常暇豫。芳草
澤氣春。鳥鳴嵐光曙。巖花抗韶容。溪雲澹

玉。慮。園。史。敦。風。好。朋。遊。非。外。慕。扣。邀。具。雞
黍。笑。言。在。農。務。我。來。黍。符。竹。行。田。課。耕。助
撫。卷。懷。清。風。長。吟。山。郭。慕

送林彦清歸永嘉

柯九思

鴈。蕩。接。銀。漢。翠。湧。生。高。寒。芙蓉。散。秋。錦。飛。
落。秋。雲。端。我。昔。造。絕。頂。天。間。路。漫漫。遙。瞻
廣。寒。殿。素。娥。正。憑。闌。白。兔。擣。月。魄。指。顧。成
神。丹。因。詔。宋。成。公。吹。蕭。乘。紫。鸞。俯。視。九。萬

元言
里。元氣青團圓。別來知幾時。弱水如平灘。
忽遇鴈山客。霞佩青蓮冠。還入鴈山去。土
髓供晨餐。報我舊遊者。久待凌烟巖。吾患
爲有身。南望空長歎。

宿先公房曉起偶成 高明

曉雨池上來。微風動寒綠。幽人睡初起。開
牕見修竹。西山帶曾雲。隱隱出林木。境寂
塵自空。慮淡趣常足。獨坐無晤言。流泉下

深谷

賦幽慵齋

閉門春草長。荒庭積雨餘。青苔無人掃。水
日謝軒車。清風忽南來。吹墮几上書。夢覺
聞啼鳥。雲山滿吾廬。安得嵇中散。尊酒相
與娛。

夜坐懷孝常

周砥

待月下石壁。聽琴竹間亭。坐絕百蟲響。旅

懷纔夜寧。天高玉露瀉。草木流晶燄。四山
湛秋色。萬物無隱形。風蟬抱葉落。雪鵲迎
雲停。此時誰謂久。柴門久已扃。誰同展清
會。念此風泠泠。世難避空谷。憂思同醉醒。
偶適不爲貴。人生易飄零。茫茫河漢流。熒
惑光衆星。于戈未衰息。前途杳真冥。歲晏
有結托。東去浮滄溟。

池蓮詠

倪贊

迴翔波間風的。慙葉上露清。池結素彩華。
月映微步。雲陰花房斂。雨歇芳氣度。欲去
拾明璫。踟躕惜遲暮。

漁父曲

葉顥

雨過暮雲收。江空涼月出。輕蓑獨釣翁。
一曲秋風笛。宿鷺忽驚飛。點破烟波碧。

江天暮雪

陳孚

長空卷玉花。汀洲白浩浩。鴈影不復見。千

元詩

崖暮如曉魚翁寒欲歸不記巴陵道坐睡
船自流雲深一蓑小

宿田家

何中

村暗烟火生林深雞犬靜稻花如積雪月
色澹相映隣家夜汲歸寒蟲滿幽徑

七言古

湖北驛中偶成

馬祖常

江田稻花露始零浦中蓮子青復看楚船

祠龍來買酒十幅蒲帆上河庭羅衣熏香
錢滿篋身是揚州販鹽客明年載米入長
安妻封縣君身有官

奉酬段御史登岳陽樓之作時分理

盜賊至海康

范梈

誰能手鋪湘水平剗却君山看洞庭昔人
已騎黃鶴去樓前亂芷春蘭青豈知繡衣
后千載遠違鳳闕來江城憑高吊古落日

七言

南嶺七古

三

紫領客置酒開雲屏。酒酣點筆賦新句。薄
海傳誦令人驚。憶我初遊白玉京。與君聯
步趨承明。手宣皇猷敷帝績。濟濟學士如
登瀛。一行竟隨萬里外。回首滄浪思濯纓。
守宮區區事無補。惟有白髮欺人生。牂牁
水外萬竹底。四時鳥語烟邊鳴。忽忽此地
復相見。恍如幽夢來仙靈。中宵秣馬不遑
暇。君又北鄉予南征。如茲後會復何日。念

之使我雙涕零。宮中聖人經四溟。所過海
岳須登清。鐵冠峨冠望天下。青霄快展皆
修程。由來豺虎伏仁獸。况有鷹隼當秋橫。
明夜相思隔雲雨。月落高臺聞笛聲。

曹將軍下曹馬圖

提漢斯

曹霸畫馬真是馬。宛頸相摩情慙下。卓犖
權奇果如此。豈有世上無知者。朱絲不是
凡馬韉。天閑十二皆龍驤。曾從天子平四

元詩
方墨圃彷彿餘曬黃華山之陽春草長

芙蓉曲

薩都利

秋江渺渺芙蓉花。秋江女兒將斷腸。絳袍
春淺。護空陵翠袖。日暮迎風涼。鱈魚吹浪
江波白。霜落洞庭飛木葉。盪舟何處采蓮
人。愛惜芙蓉好顏色。

登樂陵臺倚梧桐望月有懷南臺李

御史藝七夕後一日也

涼風吹墮梧桐月。瀉水泠泠露華白。樂陵
臺上悄無人。獨倚梧桐看明月。月高當午
桐陰直。不覺衣沾露華溼。此時却憶在金
懷。酒醒江樓聽吹笛。

范寬山水

張翥

憶昔往尋剡中。山南明天姥。相縈盤客路。
上頭穿鳥道。行入脚底踏風滿。且寒露重
多成雨。洩霧濛雲互吞吐。僕夫相呼巖壑

元詩

蒲遺

七古

高

間空響。雁人作人語。溪窮斷岸地。忽平石
門壁立如削成。隔水無數山。花明中有人。
家鷄犬聲。向來老眼曾到處。此境俱作桃
源行。百年留在范寬筆。水墨精神且蕭瑟。
上有翰林學士之院章。恐是宣和舊時物。
林猿野鶴應自在。令我相見猶前日。時物
會乞閑身歸。一壑得專吾事畢。

馮公嶺

許謙

層巒疊嶂危相倚。亂石飄風湧秋水。寒松
荒草間蒼黃。照眼崢嶸三十里。初如井底
觀天門。一峯巍然中獨尊。縈回百折至絕
頂。俯視衆嶺來兒孫。人言此山插霄漢。馬
不容鞭僕夫歎攀援。何異蜀道難。氣竭神
疲背流汗。熟視徐行路。覺平心寬意適步
更輕。志須預定自遠到。世事豈得終無成。
我來正直窮冬月。倚秋巖前嚼松雪。午店

元詩

烟生野飯香。陽坡日近梅花發。寄語悠悠
行路人。乾坤設險君勿嗔。胸中芥蒂未盡
去。須信坦道多荆棘。

裁衣曲

陳基

殷勤織紉。寸寸成文理。裁作遠人衣。縫
縫不敢遲。裁衣不怕剪刀寒。寄遠惟憂行
路難。臨裁更憶身長短。只恐遠城衣帶緩。
銀燈照壁。忽垂花鬘。一衣成人到家。

東門行

張憲

東都門外古今稀。東宮二傳同日歸。百官
祖道設供帳。勅賜黃金作酒費。歸來日日
會親友。盡賣賜金買醇酒。白頭剛傳蕭望之也
空勞勞。一杯鳩羽不就。獄博得君王祠少
牢。

陳橋行

唐宮夜祝。遜。信。烈。憂。民。一。念。通。天。闕。帝。星。

元詩

七古

六

下射甲馬營。紫霧紅光掩明月。殿前點檢
作天子。方顯大口空誅死。重光相盪兩金
烏。十幅黃旗上龍體。中書相公掌穿爪不
死。不忍秘鴻寶。畫狐學士獨先幾。禪授雄
文袖中草。君不見五十三。年血載塗五家
八姓相吞屠。陳橋亂卒不擁馬。撫掌先生
肯墜驢。

咸淳師相

咸淳師相專軍國。堂吏館賓供羽翼。諸司
百職聽使令。臺諫承顏言。路塞輪舟五日
一。入朝湖山佳處多。道邊謾言佞語頌功
德。邊事軍聲聽寂寥。半閑堂連多室閣。歌
姬舞妓相歡樂。十年困勢盡傾摧。猶謂師
臣堪付托。師臣師臣躬督兵。珠金沙頭鐸
一声十二萬人齊。解甲寡婦孤兒俱北行。
君不見。黯淡溪流東復東。木棉花開生悲

風師臣不忍。臣革裏。創上有人能拉胸。

溪山春雨圖

卞思義

野人結屋臨溪上。溪上白雲生疊嶂。城中
車馬自紛紛。朝曉雄歌暮漁唱。雲林鸞鶴
春日低。小橋流水行人稀。桃花花落盡。春何
處。風雨滿山啼竹鷄。

送杭州經歷李全初代歸

潘紳

東家老人語且悲。衰年却憶垂髫時。王師
百萬若過密。青蓋夜出人不知。巷南巷北
癡兒女。把臂牽衣學番語。高樓急管酒旗
風。小院新聲杏花雨。比來官長能相憐。民
間蛟蝶飛青錢。黃金白壁馱西馬。明珠紫
貝輸南船。繁華消歇如翻掌。宮中賦斂年
年長。聖君蕭條去不歸。華屋重門結蛛網。
語中嗚咽不欲聞。道旁虎狼方紛紛。麒麟

元詩

補遺 七古

六

鳳凰那復得使我益重髯。參軍在官近一考。素髮蕭蕭坐成老。上言掣肘下吏罵。賴有閭閻獨稱好。杭州公事天下繁。太才處決無留難。參軍累官日益貴。何術可使斯民安。

殺虎行

楊維禎

劉耳妻胡氏從平戍。雲旆平為虎。擒胡殺虎爭夫。千載美善有足歌。

者為是章

夫從軍。其從軍。其從軍。猶痛刀箭癢。况乃全軀。飼豺虎。拔刀誓天天。為怒眼中於堯小。於。氣血。號虎鬼。鬼魂語精光。夜貫新阡土。可憐三世不復仇。泰山之婦何足數。

五王行春圖

張

開元天子達四聰。羽旄管籥行相從。當時從駕驪山者。宰相猶是璟與崇。華萼樓中

元符

南意

七古

元

雲氣裏。兄弟同眠。復同起。玉環一旦入深
宮。大枕長衾冷如水。興慶池頭。花樹邊。梨
園小部。俱嬋娟。楊家姊妹。夜遊處。銀燭萬
條生。紫烟寧知樂極哀。方始羯鼓未終聲。
鼓起。褒斜西幸。雨淋鈴。回首長安幾千里。

長相思

郭珏

長相思。相思者誰。自從送上馬。夜夜愁空
幃。曉窺玉鏡。雙蛾眉。怨君即是憐君時。潮

水浸秋藕。花白。傷心落日鴛鴦飛。爲君種
取女蘿草。寒藤長過青松枝。爲君護取珊瑚
枕。啼痕滅。盡生網絲。人生有情甘白首。
何乃不得長相隨。蕭蕭風雨。嗷嗷鳴。只相
思者。誰夢寐見之。

五言律

方夔

早起理歸裝。殘燈耿曙光。開門半山月。立

馬一。庭霜鏡響知雲寺。波聲認石梁。修途
留不往。去去出山莊。

抱琴

黃潛

三。只枯桐樹。相隨年數深。此行端有意。何
處托知音。隱隱青山夜。寥寥太古心。空攜
水仙曲。更向海中岑。

陪仇仁父先生登石頭城

談笑逢諸老。登臨失故亭。薄遊成汗漫。高

步覺於嶰。峽水通吳白。佳山入楚青。平生
一杯酒。及此慰飄零。

野趣

周權

地偏居自穩。石路接平田。雲合茅簷樹。雨
添花澗泉。空山晴滴翠。遠水綠生烟。喚酒
青林度。斜陽繫客船。

台公亭

余闕

鄂渚江漢會。茲亭宅其幽。我來窺石鏡。兼

元詩

八甫貴

五作

二

得眺芳洲遠。幽雲中沒。春江雨外流。何如
乘白鶴。吹笛過南樓。

夜半舟發丹陽

陳高

舟子貪風順。開帆半夜行。天寒四野靜。水
白大星明。長鉞歸何日。浮萍笑此生。柁樓
眠不穩。起坐待鷄鳴。

聽袁子方彈琴

倪瓚

意。帳。凝。夕。清。高。堂。流。月。明。芳。琴。發。綺。席。列。

坐。數。繁。纒。迴。翔。別。鶴。意。縹。緲。孤。鸞。鳴。一。寫
冰霜操。掩仰寄餘情。

雨後晚行

何中

棲鳥黃昏後。歸牛蒼莽間。水明疑有月。烟
淡欲無山。幽谷元非隱。高人自喜閒。徘徊
不能去。莎碧畫荒灣。

七言律

題吳實齋北山別業 黃庚

北山佳境勝南山。乘興登臨眼界寬。樵斧
伐雲春谷暗。漁榔敲月夜溪寒。一區池占
林泉勝。四面天開畫圖看。竹屋數間塵不
到。主人日日凭闌干。

登泰山

張養浩

風雲一舉到天關。快意生平有此殫。萬古
齊州烟九點。五更滄海日三竿。向來井處
方知隘。今後巢居亦覺寬。笑拍洪崖咏新
作。滿空笙鶴下高寒。

費無隱丹室

虞集

碧雲雙引樹重重。除却丹經戶牖空。一徑
綠陰三月雨。數聲啼鳥百花風。年深不記
栽桃客。夜靜長留賣藥翁。幾度到來渾不
語。獨依秋色數歸鴻。

送韓伯高愈憲湖西

正月樓船過大江。海風吹雨灑船艙。雲消

虹霓橫山閣。朝落龜鼉避。石瓦闕下諫書。
誰第一。濟南名士舊無雙。湖陰暑退多魚
鳥。應勝愁吟對怒瀧。

暮春遊西湖北山

楊載

愁耳偏工著雨聲。好懷常恐負山行。未辭
花事駸駸盛。正喜湖光淡淡晴。倦愁客猶
勤訪寺。幽棲吾欲厭歸城。綠疇桑麥盤櫻
筍。因憶離家恰歲更。

上巖寺訪一公

黃潛

曉色微茫尚帶星。修溪確斷人行獨。支
瘦竹身猶健。高入重雲地。忽平落月正當
山缺處。細泉頻作雨來聲。上方燈火青林
曲。隱隱疎鐘一再鳴。

題觀海圖

昔年解纜峯江上。初日團團水底紅。鼉吼
忽搖千尺浪。鷁飛仍挾半帆風。遙看鳥嶼

如星散。祇謂神仙有路通。及此棲身萬人海。舊遊却在畫圖中。

層樓晚眺

薩都刺

廣寒世界夜迢迢。醉拍闌干酒易消。河漢
入樓天不夜。江風吹月海初潮。光搖翠幕
金蓮炬。夢漸涼。雲碧玉簫。休唱當時後庭
曲。六朝宮殿草蕭蕭。

春日野步書田家

宋 元

翳日。橙陰翠幄遮。葑園高下奕枰斜。陂塘
幾曲深淺水。桃李一溪紅白花。赭尾自跳
魚。放子綵頭相並鵝。眠沙春郊景物堪圖
寫。輸與烟樵雨牧家。

聞歸集賢遠引奉簡一章

張翥

故舊相看逐逝波。思歸無路欲如何。將軍
每嘆檀公策。朝士徒悲穆氏歌。南海明珠

來。貢。少。中。原。健。馬。出。征。多。先。生。自。說。將。高。舉。不。遣。冥。鴻。到。爵。羅。

風涇舟中

貢師泰

白髮飄蕭寄短蓬。春深杯酒憶曾同。落花洲渚鷗迎雨。芳草池塘燕避風。烽火此時連海上。音書何日到山中。故人別後遙相望。夜夜空隨斗柄東。

秋夜有懷明州張子淵

迺賢

雲表銅盤挹露華。高城涼冷咽清笳。刀。夜。月。三。千。騎。燈。火。秋。風。十。萬。家。夢。斷。佳。人。彈。錦。瑟。酒。醒。童。子。汲。冰。花。起。看。歸。路。銀。河。近。願。借。張。騫。八。月。槎。

赤壁圖

吳師道

沈沙戟折怒濤秋。殘壘蒼蒼戰鬪休。風火千年消伯氣。江山一幅挂清愁。丈夫不學。

元持

補遺 七律

六

曹孟德生子當如孫仲謀機會難逢形勝在狂歌弔古謾悠悠

野中暮歸有懷

野田蕭瑟草蟲吟墟落人稀慘欲陰白水西風羣鴈急青林暮雨一燈深年豐稍變飢人色秋老誰憐倦客心酒禁未開詩侶散菊花時節自登臨

三月十五夜登迎華觀

許謙

夜深來此倚闌干千里樓臺俯首看并到
天中花影正露零平地草光寒氣清更覺
山川近意遠從知宇宙寬長嘯一聲雲外
落幾家兒女夢初殘

淮陰雜興

陳基

千里相逢淮海濱一枝誰寄嶺梅春老來
易感山陽笛年少休輕騰下人失化鴈如

秦。逐。客。畏。寒。花。似。楚。遺。民。每。過。百。戰。瘡。痍。地。立。馬。西。風。爲。損。神。

十一月晦與同幕諸公登南高峯因

過湖上小集

落。日。湖。頭。艤。書。船。貝。魚。沽。酒。不。論。錢。共。過。天。下。登。臨。地。却。憶。官。家。全。盛。年。綠。水。映。霞。紅。勝。錦。遠。山。凝。黛。淡。如。烟。相。攜。此。夕。千。戈。際。一。聽。笙。歌。一。慨。然。

登金山

馮子振

雙。塔。嵯。峨。聳。碧。空。爛。銀。堆。裏。紫。金。峰。江。流。吳。楚。三。千。里。山。壓。蓬。萊。第。一。宮。雲。外。樓。臺。迷。鳥。雀。水。邊。鐘。鼓。振。蛟。龍。問。僧。何。處。風。濤。險。郭。璞。墳。前。浪。打。風。

寄劉仲原經歷

陳雷

鴛。鴦。湖。水。漾。晴。輝。鏡。裏。遙。峰。入。望。微。槐。蔭。午。衙。香。帙。靜。蓮。香。秋。幕。吏。人。稀。青。雲。步。穩。

元詩

補遺

元

名逾重白石歌長願已違他日相逢話時
昔應憐憔悴不勝衣

感事

張昱

雨過湖樓作晚寒此心時暫酒邊寬杞人
惟恐青天墜精衛難期碧海乾鴻鴈信從
天上過山河影在月中看洛陽橋上聞鶻
處誰識當時猶倚闌

懷歸

倪瓚

久客懷歸思惘然松間茆屋女蘿牽三杯
桃李春風酒一榻菘蒲夜雨船鴻迹偶曾
留雪渚鶴情原只在芝田他鄉未若還家
樂綠樹年年叫杜鵑

望江亭懷古

吳景奎

金刹璇題入絳霄望江猶自記前朝羣臣
痛灑新亭淚尋主方看浙水潮故物蒼龍
蟠石柱當時丹鳳聽簫韶屬鏤一夜英雄

元詩

補遺 七律

元

老曾見鴟夷恨未銷。

殘年

郭珏

久愁兵氣漲秋林。不謂殘年寇轉深。四野
天青烽火近。五更霜白鼓聲沉。金章富貴
皆非舊。管樂人材不到今。江上米船看漸
少。捷書未報更關心。

至正戊戌九日感懷

葉頤

風急登高野客傷。悲笳聲裏過重陽。正須

擊劍論孤憤。何暇携壺舉一觴。白骨不理
新戰恨。黃花空發舊枝香。寒烟冷日東籬
下。西望些些路更長。

悠悠江影鴈南飛。黃菊飄香蝶滿枝。斜日
西風彭澤酒。殊方異國杜陵詩。烟縹慘淡
山林暮。霜葉蕭疎草木悲。醉後不思時節
異。半欹烏帽任風吹。

陪戴祖禹泛湖分韵得天字

天言
補遺
三

仇遠

冉冉夕陽紅。隔雨悠悠野水碧。連天山分。
秋色歸紅葉。風約蘋香入畫船。鐘鼓園林
已如此。衣冠人物。故依然。當歌對酒堪腸
斷。倒著烏巾且醉眠。

平江

陳孚

滄浪亭下望姑蘇。千尺飛橋接太湖。故里
空傳吳稻蠡。寒祠猶記晉萑鱸。芙蓉夜月
開天鏡。楊柳春風擁畫圖。為問館娃歌舞
處。鸞花還似昔年無。

鄂渚晚眺

黃鶴樓前木葉黃。白雲飛盡鴈茫茫。槽聲
搖月歸巫峽。燈影隨潮過漢陽。庾令有塵
汗簡冊。補生無土蓋文章。闌干只有當年
柳。留與行人記武昌。

懷宋庸菴

戴良

七
甫
七律
三

麥秀歌殘已白頭。逢人猶是說東周。風塵
頽洞遺黎老。草木凋傷故國秋。祖逖念時
空擊楫。仲宣多難。但登樓。何當去逐麒麟
客。被髮同爲汗漫遊。

登城

周霆震

世祖艱難德澤深。風悲城郭怕登臨。九朝
天下俄川決。七載江南竟陸沉。馬骨空傳
當日價。鷄聲不到暮年心。雨餘門外青青

草。過客魂銷淚滿襟。

述懷寄光遠并簡城南諸友

錢惟善

野人無事久忘機。肯信紛華有是非。在信
欲闌鶯百轉。夢芒初長雉雙飛。書中歲月
仍爲客。枕上江山屢夢歸。時復思君倚深
樹。不知殘雨溼春衣。

送陳衆仲之官翰林應奉

元詩

補遺

三

畫鷁齊飛發棹謳。泛江幾日過揚州。曉雲
最白梅花驛。春雨初香杜若洲。一代文章
關氣運。十年館閣擅風流。綠波草色連天
遠。不是尋常送別愁。

飲濡須守子衡君宅 李孝光

客子東來向西楚。河流兀兀舞輕舠。雪浦
巢鷺青山出。雨後焦湖春水高。賴有使君
持玉節。未須故舊開綈袍。眼中賀監文章

伯又使時人見鳳毛。

八月十六日送張仲舉至秦郵驛是

夕邵文卿置酒雲峰臺望月二首錄

雲峰臺上今宵月。奇絕平生此一行。天水
光搖秋萬頃。星河涼轉夜三更。謫仙被酒
騎鯨去。游女吹簫學鳳鳴。明發星查上河
漢。定傳詩話到蓬瀛。

環碧齋

面面溪光護石苔，
 野蜂無復有塵埃。
 月涵虛白浮秋去，
 水泛空青入座來。
 漁釣兒孫多質朴，
 嘯歌鷗鷺不驚猜。
 我家亦住滄江曲，
 千箇篔簹繞合栽。

秋日閑詠

馬臻

西湖晴雨畫圖間，
 坐倚闌干自解顏。
 無酒可供千日醉，
 有錢難買一生閑。
 草長春色來時路，
 鶴宿秋聲起處山。
 橫笛吹殘天又

晴釣舟燈火入蘆灣

范以善雲林清遠館 張雨

華陽范監居幽眇，
 不到元牕未易逢。
 山氣半為湖外雨，
 松聲遙答嶺頭鐘。
 常聞神女騎龍過，
 亦有仙人控鶴從。
 安用乘流三萬里，
 小天元在積金峰。

七言絕

題立仗馬圖

柳貫

玉立彤墀氣尚麤，食殘芻豆更何須。太平未必閑無用，一幅君王納諫圖。

遊會仙宮

薩都刺

霏霏涼露溼瑤臺，半夜吹簫月下來。山外春風將雨過，滿庭撩亂碧桃開。

題淮安壁

魚蝦潑潑初出網，梅杏青青已著枝。滿樹嫩晴春雨歇，行人四月過淮時。

秋詞

清夜宮車出建章，紫衣小隊兩三行。石闌千畔銀燈過，照見芙蓉葉上霜。

雨後雲林圖

楊維禎

浮雲載山山欲行，橋頭雨餘春水生。便須借榻雲林館，卧聽仙家鷄犬聲。

湖村庵即事

惟則

竹根吠犬隔溪西，湖鴈聲高木葉飛。近聽

元詩

不遺

三

玉立彤墀氣尚麤
食殘芻豆更何須
太平

二

不遺

三五

始知雙櫓響
一燈浮水夜船歸

Vertical columns of faint bleed-through text from the reverse side of the page, including characters like '林園' and '對狀'.

